

08.Maj. 2019

UPA2019/45

Ujaqqat pinneraasiassat aalajangersimasut Nunatsinni piiarneqarsimasut suliareqqaarlugit sileqqaarlugillu nunatsinniit anninneqartarnissaat piumasaqaatigineqalissagaluarpit pitsaaqutigisinnaasai pitsaanngequtigisinnaasaallu pillugit apeqquteqaat aallaavigalugu oqallisissiaq.

(Inatsisartunut ilaasortaq Peter Olsen, Inuit Ataqtigiit)

Nunatsinni ujaqqat pinneraasiassat suliareqqaarlugit sileqqaarlugillu Nunatsinniit anninneqartarnissaat piumasaqaatinngussagaluarpit pittaqaat pittaanngequtaallu pillugit apeqquteqaat aallaavigalugu Inatsisartunut ilaasortaq Peter Olsen-ip oqallisissiaanut, Siumumiit qutsavigaarput, aammalu Naalackersuisut tassunga tunngatillugu akissutaat ilanngullugu Siumumiit imatut oqaaseqarfigissavagut.

Naalackersuisut akissutiminni ersersippaat Nunani allani misilittakkat aallaavigalugit tamanna pitsaanngitsumik kinguneqarsimasoq, taamaatunik aaliangersaatsinnata sukumiisumik misissorluarneqarnissaa Siumumiit pingaartipparput, kaammattuutigissavarput ataatsimiitiat suliasamat atuumassuteqartut paasisassarsiorlutik angalanissaat tamakkununga aamma innersuukkusunnarmat ilisimalikkat aallaavigalugit aaliangernerit pisarniassammata.

Oqallisissiaq Siumumiit tunngaviatigut tapersorsorparput, tassa ilisimasat aallaavigalugit aaliangertarnissaq imaangitsoq tusatsiakkat aallaavigalugit, taamaatumik misissuilluartoqarnissaa kissaatigaarput Naalackersuisuni aammalu Inatsisartuni.

Naluneqanngitsutut aatsitassarsiornermut iliniarfeqarpugut Sisimiuni, tamannalu Nunatsinni inuussutissarsiutit Nunatta inuut nutaajuvoq, tapersorsorneqartariaqarput iliniartitaaneranni aammalu suliffeqarfittut aallartisarneranni, immaqalu katuffeqalersinnaanerit eqqarsaatigineqartariaqassalluni siunissami, tassami ilisimalikkat katersorneqartariaqassammata.

Pisuussutigut uumaatsut naleqarnerpaaffianut annissuunneqarnissaat tamatta soqutigisariaqarparput, tamannalu qanoq pisinnaanersoq amma misissorneqartariaqarpoq sulissutigineqarlunilu, Naalackersuisullu akissutiminni tamanna sulissutigilereerlugu aamma oqaatigaat tamannalumi isumalluarnarpoq.

Inatsisartullu ataatsimiititaliaat tamatumunnga atuumassuteqartut aamma sulilluarnissaannik kissaallugit, aammalu tamakkuninnga inuussutissarsiuteqartut ilisimasaasa atorluarneqarnissaat innersuullugit.

Oqallinnissatsinnullu qilanaarluta Siumumiit peqataassaagut oqallilluarisalu.

Henrik Fleischer, Siumut